

安藤君碑陰記

君諱正知通稱伊右衛門因幡八上郡郡家村人津黑城主義光裔云同郡賀茂土師之田野水利不便民
苦旱害久矣君深憂之躬親測量地勢開渠引八東川之水鑿通谷隧道過郡家村接宮谷村凡二里廿八
町而渠長六萬六千餘尺隧長一千五百尺剷平巖石一萬七百餘尺役工廿五萬七千四百八十三人費
金七萬二千三百廿九兩新開水田十二町四段步變陸田為水田十五町二段步舊田之賴新渠得灌溉
二百七十五町步文政三年五月起工六年四月竣工蓋君強毅有主幹舉為里正年七十始興工事拮据
經營傾產而不悔以成千古不朽之業可謂偉矣藩主賞其功特賜新開地租四分一永世勿替十年三月
十七日歿年七十七明治十七年縣令山田信道追賞贈金一百圓大正八年十一月持旨贈從五位

衆議院議員勳三等阪口仁一郎撰

大正十三年十二月建之

鴨南 寺嶋靖逸謹書